

Powšitkowne WOZJEWJENJA

njedźelu, 22. měrca 2026

Přiležnosć k swjatej spowědži w Róžeńće

sobotu, 28. měrca farar M. Anders, kanonik W. Sćapan
17.00 – 18.00 hodž. kapłan P. Mróz, farar M. Kocner

póndźelu, 30. měrca farar M. Anders, farar G. Nawka,
18.30 – 19.30 hodž. farar M. Kleiner

wutoru, 31. měrca farar M. Anders, farar G. Wornar,
18.30 – 19.30 hodž. pater J. Müller

Kóždu sobotu do Božej mše za lud a kraj, kotraž so we 8.00 hodž. započina,
je přiležnosć k swjatej spowědži.

Putnikowanje swójbow

Putnikowanje swójbow do Róžanta je tutu pjatu póstnu njedźelu, 22. měrca. Boža mša
w hnadownej cyrkwi zahaji so w 9.00 hodž.

Kemše w Róžeńće

Na swjedženju Přizjewjenja Knjeza, srjedu, 25. měrca, budže w 9.00 hodž. Boža mša
w Róžeńčanskej putniskej cyrkwi. Wšitcy wěriwi su wutrobnje přeprošeni.

Křižowy puć dekanatneje młodžiny

Křižowy puć dekanatneje młodžiny budže bołmončku, 29. měrca, we Łazku. Započatk
je w 14.00 hodž. Jednotliwe wosadne młodžiny njech přinjesu swój młodžinski baner
sobu. Trěbna digitalna knižka za křižowy puć budže wot štwórtka, 26. měrca, na inter-
netowej stronje dekanatneho dušepastyrstwa přistupna.

„Hodžinka před Bohom“ w Njebjelčicach

Njebjelčanski chór swjateje Cecilije wuhotuje sobotu, 28. měrca, w 20.00 hodž. pod
hesłom „Ja sym puć a prawda a žiwjenje“ (Jan 14,6) w tamnišim Božim domje „Hodžin-
ku před Bohom“. Na pěsnje, psalmy a modlitwy słuchajo, kotrež młodostni přednjesu,
su wšitcy přeprošeni před Bohom wutrac a so dušinje na jutry přihotować. Kóždy měł
sej swěčku sobu přinjesć a so sam z džělom swěćła stać.

Zarjadowanje k swójbny ritualam

Dalše zarjadowanje noweho rjadu pod hesłom „Swójbne rituale w běhu lěta“ budže
pjatk, 27. měrca, wot 15.30 do 17.00 hodž. we Worklečanskim Don Boskowym domje.
Wone steji pod temu „Čakamy na jutry“. Přeprošeni su starši (mać abo nan) hromadže
z džěscom w předšulskej starobje. Wobdžělnicy dóstanu při małym prikusku w krótkej
formje impulsy za swójbne nabožne žiwjenje. Po tym sej hromadže z džěscom něšto
spasla. Swójski přinošk na swójbnu wučinja štyri eura. Přizjewjenja přijimuju hač do srje-
dy, 25. měrca, online. Link je pod www.posol.de wozjewjeny.

Zhromadny dzeń za 1. a 2. lětnik

Šulerki a šulerjo 1. a 2. lětnika su w jutrownych prózdninach na zhromadny dzeń do Don Boskowego domu we Worklecach přeprošeni. Wón steji pod heslom „Chryst je z mrtwych stanył – haleluja“. Wobdželić móža so džěci pak srjedu, 8. apryla, pak štwórtk, 9. apryla, stajnje wot 9.00 do 15.00 hodź. Swójski přinošk na wobdželnika wučinja pjeć eurow. Přizjewjenja přijimuju online hač do póndžele, 23. měrca. Link nańdu zajimcy pod www.posol.de.

Časy křižerskich procesionow

Na internetowej stronje Katolskeho Posoła www.posol.de su časy a čary křižerskich procesionow wozjewjene. Jeli někomu něšto napadnje, štož by so změnić měło, njech to prošu najručišo redakciji pod telefonowym číslom (0 35 91) 55 02 10 abo z mailku na Katolski@Posol.de zdžěli, zo by k jutram wšo korektne było.

Křižowy puć w Jiřetínje pod Jedlovou

Na rozpominanje křižowego puća z tekstami českeho basnika Milana Hrabala su wěriwi a zajimcy wulki pjatk, 3. apryla, w 15.30 hodź. do českeho Jiřetína pod Jedlovou njedawo Varnsdorfa přeprošeni. Budu-li hosćo z Łužicy přitomni, přednjesu wurězki tekstow tež w serbskej rěči.

Zawod do tematiki lětušich nabožnych prózdninskih dnjow

Drježdžansko-Mišnjanske biskopstwo poskičuje tež lětsa zaso zawod do tematiki nabožnych prózdninskih dnjow. Prěnje tajke zarjadowanje budže póndželu, 11. meje, wot 18.00 do 21.00 hodź. na Budyskej farje. Dalše je mjez druhim srjedu, 27. meje, w Drježdžanach planowane. Zdobom poskića zamołwići zawod tež online přez platformu Zoom, a to štwórtk, 28. meje, wot 18.00 do 21.00 hodź. Přizjewjenja přijimuju online. Link k tomu kaž tež k dalším informacijam je pod www.posol.de podaty.

Prózdnińska jězba za 4. do 8. lětnik

Na jězbu do Zhorjelca su šulerki a šulerjo nětčišeho 4. do 8. lětnika w lětnich prózdninach přeprošeni. Wona wotměje so wot póndžele do pjatka, 3. do 7. awgusta. Swójski přinošk na wobdželnika wučinja 130 eurow. Přizjewjenja přijimuju hač do pjatka, 1. meje, online. Link na wotpowědnu stronu je pod www.posol.de wozjewjeny.

Serbski podcast k prašenjam wěry a žiwjenja

Redakciski team Dekanatneho dušepastyrstwa młodžiny we Worklecach je nowy serbski podcast přihotował, kotryž zaběra so z prašenjami dokoławokoło wěry a žiwjenja. Přinoški su na Spotify a Youtube wozjewjene. Link nańdu zajimcy pod www.posol.de.

Wukubłanje na měšnika

Mužojo, kotřiž chcedža teologiju studować a so z měšnikom stać, móža so wot nazymy we wobłuku studija na to přihotować. Tež mužojo bjez matury, ale z wotzamknjenym powołanskim wukubłanjom móža so na puć měšnistwa podać. Do požadanja wotměja so w biskopskim ordinariaće w Drježdžanach orientaciske rozmołwy, za kotrež měli so zajimowani mužojo w personalnym wotrjedže přizjewić. Požadanja za wukubłanje su tam hač do pjatka, 17. apryla, móžne. Link k nadrobnějším informacijam a požadanskim podložkam je pod www.posol.de podaty.

Wukubłanje na stajneho diakona w ciwilnym powołanju

Lětsa nazymu zahaja na Fachowej akademiji za wosadnu pastoralku w Magdeburgu nowy wukubłanski kurs za muži, kotřiž chcyli so ze stajnym diakonom w ciwilnym powołanju stać. Wukubłanje absolwować móže kóždy, kiž ma mjez druhim wotzamnjenje wukubłanje powołanja kaž tež teologiskeho dalokokursa „Křesćanska wěra: zakładny kurs“ Domoweje šule we Würzburgu, je fyzisce a psychisce počezomny a je kmany a zwólniwy so z nuzu druhich rozestajeć. Zajimcy měli při zahajenju wukubłanja znajmjeńša 35 lět być a nic starši hač 50 lět. Woni móža so w personalnym wotrjedze biskopskeho ordinariata w Drježdžanach za orientacisku rozmołwu přizjewić. Po tym budže rozsudžene, hač so požadanski proces zahaji. Požadanja přijimuju tam hač do pjatka, 17. apryla. Link k nadrobnějším informacijam a požadanskim podložkam je pod www.posol.de wozjewjeny.

Wukubłanje za pastoralnu službu we wosadze

Zajimcy, kotřiž chcyli pastoralnu službu we wosadze wukonjeć, móža lětsa nazymu wukubłanje na wosadneho referenta zahajić. Žony a mužojo, kiž tak mnohostronske služby a charizmy wěriwych podpěraja a spěchuja, móža so ze studijom nabožnje pedagogiki respektiwne teologije a nawjazowaceho třilětneho wukubłanja za tajku službu kwalifikować. Zajimowane wosoby měli so na personalny wotrjad biskopskeho ordinariata w Drježdžanach wobroćić, hdžež wotměje so do móžneho požadanskeho procesa orientaciska rozmołwa. Požadanja přijimuju tam hač do pjatka, 17. apryla. Dalše informacije nańdu zajimcy pod www.posol.de.

Wustajeńca pasionskich Božich narodkow

W putniskej hospodze w Hirschfeldze je hišće hač do jutrowneje póndzele, 6. apryla, wobšěrna wustajeńca pasionskich Božich narodkow přistupna. Z eksponatami nawjazuja na lětsotki staru křesćansku tradiciju, z pomocu figurowych předstajenjow Jězowsy puć čerpjenja sej znazornić. Přehladka wopřijima džewjeć pasionskich Božich narodkow z drjewa, papjery a kumštneho kamjenja. Dalše dewocionalije je wudospołnjeja. Jeannette Gosteli njewěnuje so na wodženjach po wustajeńcy jeničce tamnišim twórbam, ale zapletuje tohorunja duchowne impulsy.

Zajimcy móža sej pasionske Bože narodki jeničce we wobłuku wodženjow wobhladać. Te wotměwaja so stajnje sobotu w 14.00 hodź. Zjawne wodženja budu sobotu, 21. měrca, runje tak Wulki pjatk, 3. apryla, kaž tež jutrownu póndželu. Skupiny z wjace hač sydrom wosobami móža sej tež swójski termin ze Jeannette Gosteli dojednać, telefonisce pod čisłom (01 75) 4 08 59 97 abo z mejlku na info@pilgerhaeusl.de.